

Sems

Pas Sems ai sürü papımarandi

Pas nda Sems sürü papımarand-ane

1 ¹Ro Sems-anahi God asu Adükari Sisas Kraisyafandi ratüpuriya-rihandeimbi. Sudahüندی 12 mamisiri Sisasimbo anihondümbo-rihandeimbi sihei ŋgoafi hondühüندی bukürühehi mburihü hifi ŋgoründühi anıboadei, siheimboanahi pas nda sürü paparıhandüri. Ŋga karihasi-handür-anei.

Tıjırifombü moatükuni ranai sihei anihondümbofe hohoanimo ranahambo ŋginemindi-ndürimboane

²Wandafi mami, tıjırifombü moatükuni siheimbo tüküfeyoani se ranimbo randihi hohoanımondei: Ranimbo-animbo asu ro hihifi-hihifindamboyahi. ³Ŋga se yarıhi fifirihindi, ranani moatükuni ra sihei anihondümbofe hohoanimo ranahambo refe hoeifembo-hündamboane tükefeyo. Rani moatükuni ranana se ŋginindi nimboeimbo nine tıjırifo tükefeyo ranahambo moan-ane mbiseiya yahomboane tükefeyondüri. ⁴Se ŋginindi nıboadei ŋgeimbo-animbo asu se didıboado-ndihehi nimboeimbo asu se ŋgiri Godindi hohoanimo mbonimbo-ndihümüندی.

Nındou ai didıboado-rihefımbi hohoanimo ra mbonimboaramüندی ana, Godimbo didıbafımbıfıy-wamboane

⁵Sehüندی mami didıboado-rihefımbi fıfire ra mbonimboaramüندی ana, asu ranimbo-hündambo Godimbo didıbafı-femboane, ŋga ai ahambo dagadombui. Ai afıندی sendeimbi-ani, ŋga nındou didıyeyi ahambo didıbafıyeyi arihüندی ranaheimbo muŋguambo ŋginind-koate sagadüri arandı. ⁶Ŋga nındou ra Godimbo didıbafıfıhi ndaiambui yahu anihondümbo-mbıreand-amboane, ŋga anihondü-mandai mbüsümbui. Ŋga nındou yimbu hohoanımoayı arandı ai wofı nımi werınambo semıندی ho semıندی ho arandı nahurai-ani. ⁷Nındou yahurai God ai ahandı

hoafi himborindühi ngiri ngorü-moatükuni ahambo dagado. ⁸ Ai yimbu hohoanimoyu arandi, nga hohoanimo mungu ahandi wofi nimi nahurai siho siho arandi. ⁹ Wandafi napokoateimb-ayu ranai hihifi-hihifimbiyu-wamboane, nimboe Godindi himboahü aiana ndüreimbindümbui. ¹⁰ Asu nindou napo afindeimbayu ranai hihifi-hihifimbiyu-wamboane, nga hifinambo-ndirümbui. Nindou ranai ana sapo wohi ahuri yaparayo nou mande yahurai ranai-amboa yifindümbui. ¹¹ Sapo hüfihamindi afindi pare kikasowohü ana, wohi ranai yapariyo randühi ahandi ahuri ranai yapariyo hifokoefoendühi asu ahandi yihuru aboedi himbo-mayo ranai-amboani moaruwai-mbofehane. Mare yahurai-animbo nindou sapo napo afindeimbi-mayu ranai-amboani ahandi ratüpuri afindi ra ratüpurinduhü ranambe yifindümbui.

Nindoumbo refe hoeifembo moatükun-ane

¹² Nindou düdi ai nginindi niŋgombo nine tiŋirifo ahambo refe hoeifembo tüküfeyoani ai hihifi-hihifimbiyu-wamboane. Nga nindou ranai refe hoeifembo moatükuni ranahambo titaboari-foareandeimbi ana, ai koadürümbo yangiri niŋgombo hohoanimo ra sapo takini nahurai ndemündümbui God horombo hoafimayu süngu. ‘Nindou wambo ngusüfo pararihindiri ranaheimbo ra ndahandüri-mboyahi,’ mehu. ¹³ Moaruwai hohoanimombo-hündambo mami moatükuni ai ngusüfoambe botinderani, nindou mami ranai ngiri hoafinduhüya, ‘God ai rani-moatükuni ra ramareand-ane,’ mbüsü, nga wani. Nga God ai-amboani ngiri nindou ngorümbo moaruwai hohoanimo-mbohünda ninendeandi. ¹⁴ Nga nindou ranahandi fiambe hohoanimo amarondo ranane ai moaruwai hohoanimombohünda ngusüfo botireri serimindi hohü asu hohoanji hohoanimoyu arandi. ¹⁵ Ranane asu ahandi hohoanji hohoanimo ranai nimorehi ranümbi aningo nahurai-ane. Rani-süngu nimorehi ai nimori wakarimindo nahurai moaruwai hohoanimo ra tükefeyo. Asu moaruwai hohoanimo ai afindi tüküfendowohü yifi hohoanimo tüküfe-arandi.

¹⁶ Wandafi mami, hibadihümbo. Hohoanimo moaruwai ra siheimbo wosihofori hoafinda-ndürimboe. ¹⁷ Munguambo aboedi asu ndorihoeimbi sai-randeimbi moatükuni ra sünambeahindi makoso-ane. Ape munguambo si nimindihani ranai ana rani-moatükuni ra sihefimbo hifina koamafoareandi. Aiana ahandihoari ngiri hihirinde si nahuraindu asu hihirinde nimbi nahuraindu ndandi, nga wani. Ngiri ahandi hohoanimo ra ngorü süngunde ngorü süngunde ndandi, nga mami hamind-ane hohoanimoyu. ¹⁸ Ai moani ahandi hohoanimo yangiri süngu ahandi anihondü hoafinambo ramareanda sihiri ahandi nimori tükümehundi. God ai yare hohoanimoyuhüya, ‘Nindou ranai sapo ro munguambo moatükuni nafimarihandi ranaheimbo weŋgurühididi sirimboyahi mbidi boadei-amboane,’ mehu.

Sihiri Godindi hoafi himborindefi mburihumbo rasüngundi-humboane

¹⁹Wandafi mami, se ndanahambo didiboado-ndihi fifirindihindi. Muṅguambo se nimehünou hoafi ra himborimbo-hündambo nafindühümündi nimboei. Ŋga asu se awi nimai hoafimbo botindahi ṅginindi hoafindeimboei. ²⁰Ŋga nindou-yei ṅginindi hohoanimo ranai ana Godindi aboedi mbumundi hohoanimo ranahambo moai weindahire randi, ṅga wani. ²¹Ranimbo-hündambo-animbo muṅguambo moaruwai hamindi hohoanimo sihei ṅgusüfoambe afindi tüküfendüri arandi ra raguanambo-ndihindi. Ŋga asu se siheihoari himboari hoafendühi digegindühi asu God ai sihei ṅgusüfoambe hoafi mafoareandi ra ndahümündi, ṅga sapo hoafi ranai-animbo siheimbo aboedambo-ndearümboe. ²²Asu se hoafi ranahambo himbori yangiri himbori-ndeimboei, ṅga wani. Ŋga se ranahambo himborindeihi asu süṅgufe amboani süṅgundühi ṅgei. Asu se moani himbori yangiri himboraye ana, se sihei fimbo wosihoafari hoafiri-hündühanei. ²³Nindou mami ai Godindi hoafi ra moani himbori yangiri himboriyu haya asu rasüṅgufe-koate-ayu ana, ai ahandi ṅgusümboari hoehimbo-ambe hoeiareandi nou-ani. ²⁴Ai ahandi ṅgusümboari ra türüfoare haya asu süṅgunambo nimai ahandi ṅgusümboari ra nūṅgu-nahuraiyo hoeimareandi ranimbo mitanamündühani. ²⁵Ŋga sapo ahinümbi hohoanimo nindoumbo aboedambofembo rawareandi ranai ana mbumundi hamind-ane. Nindou düdi ai rani hohoanimo ranahandi nimindi ra ndore türüfoareandühi ranahambo süṅgure huhü, ai himboriyuhü mitanemindi-koate-ayu ana, nindou ranahandi hoahoṅgo muṅguambo ra God ai didiboado-ndirümbui.

²⁶Nindou mami ai rande hohoanimonduhüya, roana Godindi hohoanimo süṅgurihe-rihandeimb-anahi, yahuhü asu ai ahandi yafambe ra ndofe kikihemindi-koate-ayu ana, nindou ranai ahandi fimbo wosihoafari hoafiyuhani. Ranana ahandi Godimbo süṅgufe hohoanimo ra moani fimboane. ²⁷Godimbo süṅgufe hohoanimo ra sihefi Apendi himboahü mbumundi asu hütikoate ndahurai-ane: Asühi nimori asu nimorehi kai ranaheimbo tiṅirifo tükündifeyoani sihefi daboadani kikindühu hündihumindefi-mboane. Asu hibadihumbo, hifi ndanihündambo hohoanimo ranai sihefi ṅgusüfoambe mamikari-ndeamunimboe.

**Sihiri muṅguambo nindou ranaheimbo mami simogodi
hohoanimo yangiri hohoanimomboane**

2 ¹Wandafi mami, se sihefi Adükari Sisas Krai sapo himboamupuimbo-randeimbi-mayu ranahambo anihondümbofe ra kikühi-ndühümündihü ana, se ṅgorü nindoumbo ṅgorü süṅgundühi

hohoanimondeihi asu ŋgorü nindoumbo ŋgorü süŋgundihi hohoanimondeimboyei. ²Se Godimbo hohoanimombo fandihindani nindou mami gor misiŋi warambe kikifoare mbura aboedi hoearümbi siheimbo sowanambo ŋguani asu nindou napo-koateyuweimbi hoeari hiri hiriyoweimbi güdeandeimbi ai kameihi ŋguani, se ahafanimbo mami simogodi hohoanimo-ndahüpiri. ³Se nindou hoeari aboedümbi-mayu ranahambo hoafinda-hündowohü animboya, ‘Karihasi, se nimari fondi aboedi rani-wami nimarifi,’ mbiseimboyei, ŋga nindou napo-koateyuweimbi ranahambo hoafinda-hündowohü animboya, ‘Awi se rühi nimbafi,’ mbisei asu ‘Se ro nimarihi-kimi worifondühi nimarifi,’ mbiseiani, rani hohoanimbo ana moaruwai-ane. ⁴Se rani hohoanimbo yarihi hohoanimboaye ana, asu se nindou ŋgorümbo yibobore-randeimbimboyahi hehi moani sihei moaruwai hohoanimbo mamarondüri-mayo rananimbo yaŋgir-anei nindou ranaheimbo rani yibobofeyei arihündi.

⁵Wandafi mami, awi se nda himborindei! Nindou didiyei ai nindouyei himboahü napo-koateyeimbi ranaheimbo ana God ai aheimbo ahei anihondümböfe hohoanimbo nafamündümboani. Ranimboane nindou napombaye nahurai-anei yahuhaya dibonimayundüri. Ŋga nindou Godimbo ŋgusüfo pararihori ana, ranai God ŋginindi hifandarandi ranambe niboadeimboyei ai horombo hoafimareandi süngu. ⁶Ŋga se nindou napo-koateyeimbi ranaheimbo amoaningambo-rihindüri arihündi. Nindou napo afindeimbi ranai siheimbo tiŋirifo afindi sahündürühi asu ai siheimbo papi-hoafi sowana kiahü hürihümündi-hündüri hei arihündi ra awi se fifirihindi? ⁷Sisas Kraisindi ndüri aboedi safinambo siheimbo dükarihindühi Kristen-anei masei, ŋga napo afindeimbi ai ndüri ranahambo sisindi hoafirihü arihündi.

⁸God ai sihefi adükari bogor-ani asu ranahandi-mayo ahinümbi hohoanimbo ra se rani-süŋguarihindi ana, ra aboed-ane. Ahinümbi hohoanimbo ra Baiborambe yare hoafiyowohü yahoya, ‘Sihafi wandafimbo ŋgusüfo pandowandi sihafi fimbo ŋgusüfo parowandi nou,’ meho. ⁹Ŋga se nindou bodimondambo didiboado-ndihindühi asu bodimondambo koararihündüri ana, asu se moaruwai hohoanimbo-yeihanei. Rananimbo siheimbo ahinümbi hohoanimbo ai hoafi mbahirihehindeimb-anei mbisi-haya papi-hoafindandürimboe. ¹⁰Nindou düdi ai Godindi ahinümbi hohoanimbo muŋguambo süŋgure arandi, ŋga mami yaŋgiri mbahirarihendi ranana ai hüti-ani. Ai nindou muŋguambo ahinümbi hohoanimbo mbahirarihendi nahurai-ani. ¹¹Ŋga God Baiborambe hoafiyuhü yahuya, ‘Se nimorehi nindowenihümbi himindipoani,’ mehu. Asükaiyu hoafiyuhü yahuya, ‘Se nindou hifokoefepoani,’ mehu. Se nimorehi nindowenihümbi himindikoate-yafühi asu nindoumbo hifokoararowandi ana, rananimbo se ahinümbi mbahirihoefeimbi

tükündafoamboyafi. ¹² Godindi ahinümbi hohoanimi nindou ranaheimbo aboedambo koarihendüri arandi asu ai aboedi hei arihündi. God ai ahandi ahinümbi hohoanimi rananimbo nindou ranaheimbo yibobondearümbui. Rani-mayowamboane se rani-moatükuni randihi asu hoafindei ndühündi ahinümbi hohoanimi rani simogodühi. ¹³ God ai nindoumbi yibobondeandühi ngiri sapo nindou amboawiyei yaho hohoanimokoate-mayu ranahambo simbori amboawi mbüsündo, nga wani. Nga nindou düdi ai amboawi hoafümbi-mayu rananimbo ahandi amboawi yaho hohoanimi ranai Godindi yibobofe ranambeahindi awi aboedambo-ndifimbui.

**Anihondümbofe hohoanimi ra aboedi hohoanimi
ratüpurifihi pefekoate-ayo ana, ngiri aboedindo**

¹⁴ Wandafi mami, nindou mami ai hoafinduhüya 'Roana Godimbo anihondümbore-riheandeimb-anahi' ehu, nga moai didiboadore hohoanimoyu randi. Nindou ra moan-ane anihondümbore-areandi, nga ahandi rani anihondümbofe hohoanimi ranai aboedambo-manderiyo? Nga wani. ¹⁵⁻¹⁶ Sisasimbo anihondümbore-rihindeimbi wandafi ngörü hoeari-koateyoweimbi asu sesi-koateyoweimbi ningoani se yaro hoafiyafi-ndowohüya, 'Karihasi, se aboedi nimbafi. Se hoeari güdowanda sihafi fi hüfindowani asu sesi dowadifi,' asafindo ana, ahambo rani-moatükuni ra segodokoate-yafühi yaro hoafayafindo ra ahambo nüngunde mafandihera? ¹⁷ Anihondümbofe hohoanimi rani amboani mare yahurai-ane. Anihondümbofe hohoanimi ranai aboedi ratüpurikoate ranambo moan-ane.

¹⁸ Nga asu nindou ngörü ai yare hoafiyuhüya, 'Nindou ngörü ai anihondümbore-randeimb-ani, asu nindou ngörü ai aboedi ratüpuriyu-randeimb-ani,' ehu. Nga asu ro randihe hoafindahüh-animboya, 'Se anihondümbore-roandeimb-anafi, nga aboedi ratüpurikoateyafi ana, nüngundo wambo sihafi anihondümbofe ra nafuimandafa? Nga ro Godindi ratüpurikoateyafi-ndamboyahi, nga ranambo ro sihambo wandi anihondümbofe nafuinda-haninimboyahi,' asahi. ¹⁹ Se moani mami God rani yangiri anüngu ranahambo anihondümbore-rihorimboane. I, rani-moatükuni ra aboed-anesi, nga moaruwai nendi amboani ahambo yarihori anihondümbore-rihori mburihü asu ai yihimboyehi hihamindarayei. ²⁰ Hohoanimi-koate nindou-anafi! Anihondümbofe hohoanimi ra aboedi ratüpurikoateyafi ana, ra moan-ane. Se ra fifirowandai? Awi sihambo ro nafuindi-haninimboyahi. ²¹ Nüngureamboyu sihefi amao Abraham ai Godindi himboahü nindou moani aboedi mbumundi hamindi manüngu-a? Ai Godindi hoafi süngureandühi fondi-wami ahandi nimori Aisak ranahambo Godimbohünda hifokoariri maserügudo ranimboyu God ai ahambo seana

nindou mbumund-anafi mehundo, rani ratüpuru aboedi ahandi ranimbo wambo. ²²Se ranimbo didiboadondo hohoanimondafi. Sapo Abrahamindi anihondümböfe ra ahandi aboedi ratüpuru hohoanimu rani-diböyo mamambere haya ratüpurimayo ho. Ahandi anihondümböfe hohoanimu ra ahandi aboedi ratüpuru rani-sünguyo moani aboedi hamindi tüküme feyo. ²³Baibor-ambe yare hoafiyowohü yahoya, 'Abraham ai Godimbo anihondümbö-mariri ranimboyu asu ahandi anihondümböfe hohoanimu ranimbohünda God ai ahambo nindou mbumundi hamind-anafi mehundo,' meho. Asu 'Abraham ai Godindi ngunindani masahünda,' meho. God ai yare hoafimayu Abraham ramareandi ranimbo wambo, nga raninambo süngunambo hoafi ranahandi nimindi weindahi tüküme feyo. ²⁴Randihi se fifindihindi, nindou ai ahandi aboedi ratüpuru hohoanimu raninambo-animbo God ai ahamboya, 'se nindou aboedi mbumund-anafi' mbüsümbui, nga ahandi anihondümböfe hohoanimu ranimbo yangiri ngiri rande hoafindu.

²⁵Sapo Rahap, nindowenihi birabiriyo-randeimbi nimorehi amboani yahurai rame feyo-ane. Ai Israerihünda türüfoarine fifirine-rinandeimbi nindou yimbu ai ahambo-so tüküme fineanda sepirimindi worinireapiri haya se-dibo ngörü nafi aboedambo-ndafineandi yahohaya mafarihepiri. Nimorehi ai aboedi ratüpuru ra ramareanda asu God ai ahambo se nindou aboedi mbumund-anafi mehundo. ²⁶Ŋga asu sapo nindou fi ranambe yifiafi nimarikoate-ayo ana, yifiyomboane. Mare yahurai-ane anihondümböfe amboani. Anihondümböfe hohoanimu ranai yangorowani asu aboedi ratüpuru ranai yangorikoate-ayo ana, ranai-amboani yifiyomboane.

Hibadihumbo hoafindefimboane

3 ¹Wandafi mami, awi se-ambeahindi afindi safi hoafi yamundife-rambo nindoumbö-ndafu tükündafumboemo. Awi se randu fifirindundi nindou hoafi yamundihi-rihundeimbi sihefimbo-animbo God ai türiboade yiböbo-ndeamunümbui. ²Munnguambo nindou sihiri ngiri mbumundi hohoanimu maho rani-süngu yangiri ngefi, nga wani. Ŋga asu nindou mami ai nine hoafi hoafayu ranambe moani mbumundi hohoanimu aho rani-süngu hoafayu ana, nindou ranai moani ndorihoei haya asu ahandi munnguambo fi ranahambo ndore hifanda huhani. ³Hos ai moani sihiri hohoanimuoyefi rani-süngu yangiri süngufembohünda sihiri ain bidifiri ahandi yafambehü safoarihu hiniŋgi-rihundühanefi. Rananimbo asu hosindi yafambe akidou-anesi, nga rananimbo sihiri ahandi fi mungua ndahumindefi ngemboyefi. ⁴Asu sip ranahambo amboani se türiboadihindi. Ai adükari moatükuni hamindiyo hayambo weri afindinambo ragore-ragore randühanesi, nga moani akidou moatükuni ahandi ndüri rada ranambo sip ranahambo koakoranda sapo

sip semündü hu-randeimbi ai homboyou nafi howohane. ⁵Mare sapo sihefi teifi ran-amboani yahurai-ane. Teifi ra akidou moatükun-anesi, nga asu ai muŋguambo afindi moatükuni ranahambo wataporimbo-randühi boriyowohane.

Se fifirihindi, hai akidou ahoro ra hombo porihoi haya adükari nimi napo hai tikirandühane. ⁶Sapo sihefi teifi ranamboani mare hai yahurai saf-ane. Aiana moaruwai wosihoafori hohoanimo ranahandi ngusufoambe tüküra pire hayamboane asu sihei muŋguambo fi ranahambo moaruwaimbo-reamboayo. Ranane asu ai sihefi fi ranahambo hai hüfü nou tiŋirihendühi asu sihei fi ranai moaruwai hohoanimoyo arandi. Hai ranana sapo koadürümbo horoweimbi hai ranini-poedane tüküfe arandi. ⁷Nindou ai muŋguambo moatükuni hifini ahahabodei raniyo, nimambehindi ninihondi, ndu, amoasiri asu siriwarambehindi buriyeimbi ra yamundihindühi hifandühi marihündi. Hapondani amboani rani-moatükuni ra randihimboyei. ⁸Ŋga nindou mami ai-amboani moai teifi ana hifandandühi kikihiramündü randi, nga wani. Ŋga teifi ranai moani yare aimbo kiarimboane moaruwai hoafiyo arandi. Rani-moatükuni ranai ana hühütimbü moatükuni nindou moaruwaimbore-randeimb-ane. ⁹Teifi ranamboanefi sihiri Ape adükariambo aboed-ani sefi arihundi, nga nindou God ai nahurai nafimarandi, ranaheimbo sihiri sihefi teifinambo moaruwai hoafiyefi arihundi. ¹⁰Sapo yafambe mami rani naf-ane Godimbo aboedife hoafi tüküfe asu nindou ngorümbo moaruwaimbofe hoafi tüküfe arandi. Wandafi mami, rani-moatükuni ranana awi se randifemboe, nga yowani! ¹¹Apoarindihori hoe mami tükefeyo ranahandambo-hündi ngiri aboedi aparümbi pindo asu hühütimbü pindo ndani, nga wani. ¹²Wandafi mami, hoandasüfo nimindi rani-fihi ngiri hangiri hisindo asu hongoroho nimindi ranifihü ngiri hoandasüfo ranai kündaro, nga wani. Mare yahurai-ane siri apiyoweimbi hoe apoari tükefeyo ranahandambo ngiri aboedi apiyoweimbi tükündifeyo, nga wani.

Aboedi hohoanimo ana Godindi-mayo-ane

¹³Sihei mbusümo se-ambehindi nindou düdi didiboadore fifirife hohoanimoembayu-a? Asu nindou yahurai afufuriboadeandühi aboedi hohoanimo süngumbireand-amboane, nga rani-nambo ahandi didiboadorihefimbi fifirife ra nafuindümbui. ¹⁴Ŋga asu se sihei ngusufoambe nindou ngorümbo moaruwaimbofe hohoanimo, nginindi-nginindi hohoanimo, asu yiboarukofembo hohoanimo ra nimandindürani ana, asu se ngiri sihei fifirife ranahambo borindei. Asu anihondü hoafi ranahambo ndahümündi pindihi hehi tikai hoafindeimboyei. ¹⁵Yahurai fifirife hohoanimo ranana Godindi-mayo sünambehindi kosimboypoani, nga hifi ndanihündambo yanggir-ane. Nindou-yafe moaruwai

hohoanimō ranahambo Satan ai hifandarandi. ¹⁶Ŋga nahanūhiyo nindou ŋgorūmbo moaruwaimbofe hohoanimō asu yīboarukofembo hohoanimō eŋgoro ana, ranihū ana ndofe nimarokoate hohoanimō asu mamikari hohoanimō sūngufe ranamboani mare yaŋgorimboane. ¹⁷Ŋga sapo didiboado-rihefimbī hohoanimō sūnambeahindi akoso ranane nda: Weaŋgurūhi sūrūhoeimbi hohoanimō, muŋguambo wudi hohoanimō, himboari hoafendūhi hohoanimō, nindou ŋgorūmbo himborimbo hohoanimō, afindi hipoambo hohoanimō, aboedi ratūpurimbo hohoanimō, simogodūhi hohoanimō asu anihondū hondū hohoanimō. Hohoanimō ranane Godindi-mayo makoso-ayo. ¹⁸Afurifembū hohoanimō ra sesi moatūkuni hoari nahurai-ane. Sihiri afurifembū hohoanimō hifindihundani mbumundi hohoanimō tūkūndifemboe.

**Nindou dūdi ai hifinindi hohoanimō sūngufembo
hohoanimoyu ana, ai Godindi hūrūtūmb-ani**

4 ¹Dagūdambo tūkūfemboyo sihei mbusūmo simbōri hoafi hohoanimō asu yifiari-yifiari hohoanimō rana? Sihei hohoanji hohoanimō ranai ŋgusūfoambe nimarimbo ai sihei fiambe simbōri-simbōrayei. ²Se nini-moatūkuniyo semindimbo sei hehi hohoanimō-yeihaneisi, ŋga asu se rani-moatūkuni ra moai sahūmūndi rihūndi ranimboane asu se nindou hifokoefembo sei arihūndi. Se nini-moatūkunimboyo hohoanji-rihindūhaneisi, ŋga asu se moai sahūmūndi, ranimboane asu se ŋginindi-ŋginindiyeihi yifiariyei arihūndi. Se nini-moatūkunimboyo semindimbo hohoanimoyei ra se ŋgiri ndahūmūndi, nimboe se moai Godimbo rani-moatūkuni ranimbo ndawamuni sei hehi didibafiyahindi. ³Se nini-moatūkuniyo semindimbo didibafi-yahindani semindikoate-aye ra sapo se moani mamikarihi didibafimehindi ranimboane. Se semindikoate-aye ra, sapo sihei fi hihifi-hihifimbohūndambo rani-moatūkuni semindimboyo hohoanimomoyei. ⁴Se anamindihoandi birabiriyeimbi nahurai-ane! Nindou dūdi ai hifi ndanihūndambo nindou-yafe-mayo hohoanimō ranahambo sūngufembo hohoanimoyu ana, asu ai Godimbo yīboaruko-rirūhani. Awi se moai ranahambo fifirihindiyo? Nindou dūdi ai hifi ndanihūndambo hohoanimoyeimbi nindou ranahei ŋgunindayu ana, asu ai Godimbo hūrūtūrū-reimbi nindou-ani. ⁵Baibor-ambe yare hoafiyowohū yahoya, ‘Yifiafi God ai sihefi fiambe hiniŋgi-mareandi ranai ahandihoari yaŋgiri yihoefimbo hifandimbo yahomboane,’ meho. Awi se rani-moatūkuni ranahamboya sisindi moatūkun-ane seimboyei?

⁶Ŋga God ai afindi moani hipoambo-ramunūhi sihefimbo farihemuni arandi. Baibor-ambe yare hoafiyowohū yahoya, ‘God ai nindou afindi afindiyeimbimbo koareandūrūhi asu nindou himboari afurūhi-ndeimbimbo moani hipoambo-randūrūhi farihendūri arandi,’

meho. ⁷Ranimbo-hündambo-animbo awi se afufuri-boadihindühi Godindi hoarehi nimandei. Satanimbo koandihorani asu ai siheimbo hiniŋgirearü haya fiboembui. ⁸Se God sowana akimi sühündahindan-animbo asu ai-amboani siheimbo so akimi sühündüfimbui. Moaruwai hohoanimoyei-rihündeimbi nindou sihei ŋgusüfoambe sürühoeimbi tükümbifeyo-wamboane. Sihei ŋgusüfo ra ndorihi kürühindühi yimbu hohoanimoyei arihündi ra rühi randihi hiniŋgirihi. ⁹Se moaruwai hohoanimomayei ranahambo afindi hohoanimondeihi aranindeihi sirindei ŋgei. Asu sihei tikifümbi hohoanimo maho ra hiniŋgindihi hehi aranimbo hohoanimo süŋgu-ndihindühi hihifi-hihifi hohoanimomayei ra hiniŋgi-ndihindühi afindi hohoanimondei. ¹⁰Se Adükarindi hoarehi yaŋgiri nimboeimbo-animbo ahandi hohoanimoayu süŋgu süŋgundihündan-animbo asu ai siheimbo ndemündündüri botindearümbui.

Sihiri wandafindambo papifi-poani

¹¹Wandafi mami, se siheihoari simbori tirifoefiri-ndeimboyei. Nindou düdi ai ahandi wandafi-mayu ranahambo tirifoarirühi asu yiboboariri ana, asu nindou ranai sapo ahinümbi hohoanimo meŋgoro ranahambo tirifoareandühi yibobo-reandühani. Ŋga asu raranimbo nindou ranai ahinümbi hohoanimo ranahambo süŋgure-randeimbi nindouyupoani, ŋga ai ranahambo türüfoareandühi yibobore-randeimb-ani. ¹²Mami ai yaŋgir-ani ahinümbi hohoanimo saimbo ra nimindihiyu haya asu ai yaŋgir-ani fifire yibobore-randeimbayu. Ai yaŋgiri animbo nine nindou ranaheimbo aboedambonde asu moaruwaimbo-ndeandüri ndambui. Ŋga asu se ra nindou didiyafi sihafi wandafi-mayu ranahambo yahurai yiboboro aranda?

Sihiri afindi afindimbo-yopoani

¹³Awi se haponda himboriyei, wambo nindou didiyei sapo yarihi hoafiyehiya, 'Hapo sümbu ana, ŋgorü ŋgoafi adükarina ŋgefi mami himbani gedühi kaki semindi ratüपुरi ratüपुरindefühi, kaki ndahumindefi ndihumboane,' sei arihündi. ¹⁴Awi se moai fifirihindi sihei fi ranahambo sümbu nini-moatükuni tüküfe-ndürimboayo ra! Sihei niŋgo ranana sapo mburüŋgai siambe moani wosihoafirimbo peyo mbura asu hüfihamindi-yowohü awararihoayo nahurai-anendüri. ¹⁵Se hoafimboayei ana, ndani süŋgundihi hehimbo-animbo hoafindei: Adükari ai ahandihoari yare hohoanimoayu ana, ra randihu nimboefimbo nine ratüपुरi aho ra ndani süŋgundihi rani-süŋgundihi ndihumboyefi, mbisei. ¹⁶Ŋga asu se afind-afindeihi siheihoari boriyei arihündi. Boriyo hoŋgo hohoanimo ranana sapo moaruwai hamindi hohoanimomayo-ane. ¹⁷Se wudüpoapondihi hohoanimondei. Nindou düdi ai aboedi

ratüpuri hohoanimo fifireandi, nga refekoate-ayu ana, nindou ranai moaruwai hohoanimoayu.

Napo afindeimbi-yomondi hoaf-ane

5 ¹Asu napo afindeimbi se! Awi himboriyei! Nini-moatükuni tiñirifo afindi siheimbo tüküfemboayo ranahambo-animbo se afindi hohoanimondeihi aranihoenambo nimboeimbo hasiheindei. ²Sihei nginindi napo afindi ranai ana sümboyomboane. Ranane asu sihei hoeari napo ranamboani kidaboari taparihümboane. ³Sihei nginindi napo sapo gor sirfa ranana samiyomboane. Sami ranai sihei kaki napo taparimarandi nou-animbo asu sihei fi ranamboani süngunambo sümbondühi sapo hainambo tikiri arandi nou. Ijgiri amitata bidifiranambo si tükündifeyo, nga se nginindi napombo yanggiri hohoanimoyeihi gugurarihindi. ⁴E! Awi se nda ndorihi himbori-yei! Nindou bidifiri ai sihei nümbürambe wohi tüpurimayei, nga asu se moai aheimbo rani takini kaki ndorihi sahündüri, nga se bidifiri dibo masahümündi. Rananei asu nindou ranai sihei nümbürambe ratüpuriyeihi sesi sihei yimunguri marihündi ranai kaki semindimbo hoafimayei habudi. Asu ahei hoafi ranai Adükari munguambo hifandrandeimbi ahandi himboahü tüküme Feyowa himborimayu. ⁵Se hifi ndanihü nimboei-ambe ana, se aboedi moatükuni ra siheimbo tüküfeyondürani sahümündi hehi ranimbo hihifi-hihifiyeihi manimboei-ane. Se afindi sahüsi arihündi rananimbo se worindi moatei nou fi safindeiani ndeari yifimbo akimi tifoldahimboyei. ⁶Seana ndorihoeimbi nindou ai siheimbo hari sowanambo-fendürikoate-ayei ranaheimbo papi-hoafirihündüri hehi hifokoari-hindüri arihündi.

Sihefimbo nimbori tükündifeyoani awi sihiri moan-ane mbisefi Adükarimbo himbondefimboane

⁷Ranimboane wandafi mami, se sihei ngusüfoambe ra nginindi ndondihi kikihindühümündi hehimbo-animbo nini-moatükuni tiñirifofoyo tükündifeyoani ra moan-ane mbiseihü asu awi se Adükari tüküfemboayu ranahambo himbondeihü nimboei. Se sapo nindou nümbürira mbura ai awi sesi aboedi nümbüri ranambe tükündifemboe yahuhaya ai himboayu hu ranahambo hoeindihori. Ai moani hifanda huani hoeyo yahimoyo randühi sesi ranai nümbüri ranambe tüküfeyoani asu ai sesi ra asemündu. ⁸Rani-süngumbo-animbo awi se-amboani moan-ane mbisei hehimbo himbondei. Adükarindi tüküfembo si ra ndeara akim-ane ranimboane asu awi se sihei hohoanimo ra nginindi safi kikihindü-hümündi.

⁹Wandafi mami, se siheihuari simbori momori hoafüründeihü ñipondei habudimboyei. Ijga hibadihümbo, God ai siheimbo yibobo-

ndearümbui. Nindou yibobofembo si ranana ndeara tüküfembo akimi nafira-mindimboane. ¹⁰ Wandafi mami, horombo Godindi hoafi hoafiyomo-rundeimbi ai Adükarindi ndürinambo wataporimbo-marundi ranimbo awi se türiboadihindi. Nindou bidifiri ai ahamumbo tiñirifo masahüpura ai awi moan-ane yahomo houmbo maningomo. Tiñirifo yahurai-ambe maningomo nou-animbo asu se-amboani randihi ai ramefundu nou nimboeimbo süngundihi ngei. ¹¹ Se fifirihindi, nindou didiyei ai ngusüfoambe kikimifoa-rihindühi nine tiñirifo tüküfeyoani awi moan-ane seimbi ana, ai ndorihoeimb-ane sefi arihundi. Se Sopindi hoafi sapo ai ngusüfo ndore kikimifoare mbura nine tiñirifo afindi ahambo-so tüküme Feyowa ai awi moan-ane yahuhaya manüngu ranahambo himboriyahundo. Raniyu asu süngunambo Adükari ai ahambo mafariheiri, ranamboani se fifirihindi. Iga Adükari aiana munguambo si aho ra sihefimbo hipoambo-reamunühani.

Sihiri hoafiyowohü Ape nimoamo amaru ra yaho-poani

¹² Iga wandafi mami, hohoanimo nda adükar-ane, nge se ra süngundihindi. Se sünambeahindi ndüri asu hifindi ndüri asu ngorü moatükunindi ndüri ngiri dükandühi anihondumbo dabarindahindi. Se hoafiyehi, yini, ase moani yini mbisei. Asu hoafiyehi, wani ase moani wani mbisei. Rananimbo asu se sünguna ngiri Godindi yibobofe sihi papi-hoafife rani so tükündahindi.

Nindou mbumundindi Godimbo didibafife ana nginindane

¹³ Nindou se-yeimbi ngorü ai tiñirifoayuyo? Ai Godimbo didibafimbiyu-wamboane. Asu nindou ngorü ai hihifi-hihifayuyo? Ai Godimbo-animbo heirünambo moani kakisaombürür-amboane. ¹⁴ Nindou se-yeimbi ngorü ai angünumboayuyo? Ai ranifihü ana sapo Kraisindi nendi hifandüru-rundeimbi ranahamumbo-animbo hoafindüani asu ai ahandifihü werinambo Adükarindi ndürinambo Godimbo didibafi-mbeyomondamboane. ¹⁵ Nindou ranai Godimbo anihondumbo-rüwuruhi ro didibafehundi nda God ai himborindümbui yahomo houmbo didibafefundi ana, asu Adükari ai nindou ranahambo angünümbühündi didiboado-ndirühi botindirümbui. Asu nindou ranai moaruwai hohoanimoayu ana, God ai ahandi moaruwai hohoanimo ranahambo amboawi mbüsümbui. ¹⁶ Ranimbo-animbo asu se sihei moaruwai hohoanimo wandafi mami-yei himboahü weindahi-firindei ndühündi. Asu God ai siheimbo didiboadofe-ndürimbohünda ahambo simbori didibafifirüdei. Nindou mbumundi hamindiyumbü ranahandi Godimbo didibafife ana, nginindi hamindiyo haya nindou farihai-randeimb-ane. ¹⁷ Eraisa ana nindou moani mami sihiri nahuraiyu manüngu. Nindou ranai hoekoate-mbayu yehuenüngumbo Godimbo nginindi hamindi

didibafimefiyuwa ngimi himbani asu 6 amoamombo hoekoate-mayo. ¹⁸Raniyu asu süngunambo Godimbo hoe koandihoe fi yahuhaya didibafimefiyuwa sünambeahindi hoe ranai peyowohü asu sesi-napo ranai hoenambo aboedi momorimayo hifi ranifihi.

Nindou ai Godindi hohoanimo hiniñgindeambui hoaf-ane

¹⁹Wandafi mami, nindou se-yeimbi anihondü hohoanimo süngufe ho ra hiniñgire haya moaruwai hohoanimoayu ana, asu nindou ngorü ai ahambo aboedi hohoanimo rani sowana serümündü hihindüfi düduani, ai aboedi hohoanimondümbui. ²⁰Ŋga se yarihi fifirihindi, nindou ngorü ai sapo nindou moaruwai hohoanimoyumbü ranahambo moaruwai hohoanimo ranambeahindi hürarümündu ana, nindou ranahambo aboedambo-rirühani, nga asu ngiri muñguna yifindu. Rani hohoanimo rani-süngumbo-animbo God ai moaruwai hohoanimo afindi gogorindihaimbui.